



Broj: 16-12-16-1587-24 /26
I. Sarajevo, 06.06.2026. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), čl. 70. i čl. 72. stav (3) tačka c) Zakona o javnim nabavkama („Službeni glasnik BiH”, br. 39/14, 59/22 i 50/24), u postupku javne nabavke usluge produženja važenja licenci za potrebe Državne agencije za istrage i zaštitu putem otvorenog postupka, direktor Državne agencije za istrage i zaštitu,
d o n o s i

O D L U K U

o izboru najpovoljnijeg ponuđača u postupku javne nabavke usluge produženja važenja licenci za potrebe Državne agencije za istrage i zaštitu i dodjeli ugovora drugorangiranom ponuđaču

Član 1.

U otvorenom postupku javne nabavke usluge produženja važenja licenci za potrebe Državne agencije za istrage i zaštitu (u daljem tekstu: Agencija), ugovor za LOT 1-Nabavka usluge produženja važenja GPS Gate licenci na period od jedne godine, dodjeljuje se drugorangiranom ponuđaču, firmi „NEXIS“ d.o.o. Sarajevo, za ponuđenu cijenu od 2.162,00 KM bez uračunatog PDV-a koliko je ponuđeno na e-aukciji održanoj dana 14.04.2026. godine, te za LOT 3-Nabavka usluge produženja važenja Group Talk licenci i jedne dispečerske licence na period od jedne godine, ugovor se dodjeljuje drugorangiranom ponuđaču, firmi „MIBO Komunikcije“ d.o.o. Sarajevo, za ponuđenu cijenu od 16.239,00 KM bez uračunatog PDV-a, koliko je ponuđeno na e-aukciji održanoj dana 14.04.2026. godine.

Član 2.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke usluge produženja važenja licenci za potrebe Državne agencije za istrage i zaštitu, broj 16-12-16-1587-12/26 od 20.04.2026. godine u dijelu člana 1. stav (1) za LOT 1-Nabavka usluge produženja važenja GPS Gate licenci na period od jedne godine i LOT 3-Nabavka usluge produženja važenja Group Talk licenci i jedne dispečerske licence na period od jedne godine, kojom se ugovori dodjeljuju ponuđaču „DIGITARIJA“ d.o.o. Sarajevo.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja iste, uz istovremeno objavljivanje na internet stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-1587-1/26 od 17.02.2026. godine pokrenut je postupak javne nabavke usluge produženja važenja licenci za potrebe Agencije, procijenjene vrijednosti 285.128,21 KM bez uračunatog PDV-a, za koji je obavještenje o javnoj nabavci broj 1161-1-2-54-3-38/26 objavljeno na Portalu javnih nabavki 19.02.2026. godine i u „Službenom glasniku BiH“, broj 16/26 od 27.02.2026. godine. Novčana sredstva za realizaciju navedene nabavke obezbijedena su u okviru budžetskih sredstava za 2026. godinu, a na osnovu Instrukcije o privremenom finansiranju institucija Bosne i Hercegovine za period januar-mart 2026. godine, broj 05-02-2-7293-1/25 od 18.12.2025. godine i Dokument okvirnog budžeta 2026.-2028. godina.

U toku postupka javne nabavke, Komisija za provođenje postupka javne nabavke usluge produženja važenja licenci za potrebe Državne agencije za istrage i zaštitu, zaprimila je pristigle ponude, izvršila njihovo otvaranje, te izvršila pregled i ocjenu ponuda, a prema zahtjevima i kriterijima iz Tenderske dokumentacije. Za navedeni postupak javne nabavke predviđena je e-aukcija u skladu s odredbama Pravilnika o uslovima i načinu korištenja e-aukcije („Službeni glasnik BiH“, broj 80/23). Prema izvještaju o toku i završetku e-aukcije od 14.04.2026. godine, sačinjena je rang lista ponuđača na osnovu koje je donesena Odluka o izboru najpovoljnijeg ponuđača u postupku javne nabavke usluge produženja važenja licenci za potrebe Državne agencije za istrage i zaštitu, broj 16-12-16-1587-12/26 od 20.04.2026. godine kojom je, kao najpovoljniji ponuđač za LOT 1-Nabavka usluge produženja važenja GPS Gate licenci na period od jedne godine i LOT 3-Nabavka usluge produženja važenja Group Talk licenci i jedne dispečerske licence na period od jedne godine, izabrana firma „DIGITARIJA“ d.o.o. Sarajevo.

Obzirom da je izabrani ponuđač „DIGITARIJA“ d.o.o. Sarajevo odustao od realizacije ponuđenih ugovora na način da je obavijestio Agenciju aktom broj 0206-DOP/26-1 i 0206-DOP/26-2 od 02.06.2026. godine, da zbog tehničkih prepreka od strane proizvođača, nije u mogućnosti pristupiti nalogu i sistemu krajnjeg korisnika bez kojeg obnova licenci nije moguća, Agencija je postupajući po odredbama člana 72. stav (3) Zakona o javnim nabavkama, dodjelu ugovora ponudila drugorangiranom ponuđaču i to: za LOT 1-Nabavka usluge produženja važenja GPS Gate licenci na period od jedne godine, firmi „NEXIS“ d.o.o. Sarajevo i za LOT 3-Nabavka usluge produženja važenja Group Talk licenci i jedne dispečerske licence na period od jedne godine, firmi „MIBO Komunikcije“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

DOSTAVLJENO:

- Ponuđaču „DIGITARIJA“ d.o.o. Sarajevo (mail-om);
- Ponuđačima (mail-om);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum